



Roadmarch y Calypso 1999 dedica na JUBY NAAR


Hubert Cornelis Naar, mihor conoci como Juby Naar tin 42 aña di experiencia como Maestro di Ceremonia, locutor di Radio y Television.

Mas di 25 aña presentando festivalnan di Tumba, Calypso y Roadmarch.

Actua como maestro di ceremonia den tur tipo di actividad di carnaval. Colaborador anual di SAC den asuntonan di hurado, y 25 aña trahando proclamacion pa Prins y Pancho pa traspaso di mando.

E ta orador principal ariba historia di carnaval di Aruba na conferencia di organizacion internacional di carnaval FECC dos aña pasa, cual congreso a ser teni na Aruba. Tambe e ta ex musico cu a toca y dirigi varios agrupacion musical den pasado.

Ta un conocedor di calypso y roadmarch cu a lanta entre Trinidadianan y esnan di islanan Britanico na Lago Heights,



Bachelors Quater y Labour Camp.

Tabata mascota di e prome gruponan di carnaval tempo a cuminsa paradanan den Lago Heights for di 1948 y sigui den carnaval te awe. Ex tocador di Steelband cu Mighty Poncho den Devil Dodgers di Lago Heights y despues cu Paul

Connor den Antillean Stars tocando tur instrumento den e añanan ey. Mayoria pa gruponan di Sidonia Muller.

Tocador bahista pa grupo "Stage" di Antillean Stars cu record di tabata toca 12 bari na mes momento.

Na 1967 como president di Goldfinger Fanclub di Bonaire Club, a introduci e prome grupo di Brassband den paradanan di carnaval di Aruba cu e hobennan di YMCA brassband.

Critico ferviente di tur locual ta positivo y tambe negativo di carnaval di Aruba como prome columnista di Antiyas y di Aruba, di carnaval cu POPO y te awe activo como POPO.

Pa locual tabata radial pa hopi aña figura tras di Popito e mucha baldadi di Carnaval.

Un pabien na nos colega Juby pa su premio bon mereci pa su dedicacion inmenso na na nos carnaval.

CONCURSO

SWING

1. Na ki aña a forma e prome organizacion oficial di Carnaval?

2. Na ki aña Aruba Tivoli Club a cuminsa cu Lighting Parade?

3. Di unda e number Bacchanal ta bin?

4. Kende tabata e prome reina di carnaval (organiza) di Aruba?

5. Di unda e number Momo ta bin?

6. Ki tempo a funda e di dos organizacion (oficial) di Carnaval?

7. Ki aña a tene e prome concurso di Calypso?

8. Kende tabata e prome Rey di Tumba di Carnaval?

9. Kende a canta e prome cancion di carnaval cu awe por ser considera un himno di carnaval?

10. Ora menciona Yrad Illidge, riba cual cantante di calypso y roadmarch nos ta corda?

11. Con yama e steelband cu a bay Hulanda y no a bolbe mas?

12. Charles Groeneveld ta su number. Kico su number di cantante di calypso ta?

NUMBER:

ADRES:

Yena e contestanan corecto y entrege promer cu dia 19 di Februari 1999.

Contestanan y ganadornan lo worde publica dia 20 di Februari 1999 den e ultimo paginan di SWING.

CARNAVAL '99

DIAMOND'S
PARTY & NOVELTIES SUPPLIES

Bo supermercado pa articulonan di fiesta tin pa Carnaval e.o.:

Mascarada, fluit, blaas, petchi, tur tipo di slinger, glitter, cups, tayo, napkins, bestek di tur color, cup pa popcorn, tray pa hotdog y hopi mas!

Nos ta sperabo na

DIAMOND'S
PARTY & NOVELTIES SUPPLIES